



素雯齋集卷之三十一

西吳吳伯與福生甫著

文部

啟

候祝給諫

青瑣班嚴光聯天上白門秋蚤爽布人間喜內
地之均沾協明時而胥慶某官德負台衡之望
瑞應日月之符羅百聖于一心脉傳沫泗掃千
軍于寸筆秀重匡廬口代天言十篆齊歸掌握



備膺 帝眷幾年寄重絲綸蓋鍾阜之影日高
而敬亭之蔭自遠是以首霑徽郡遂及宣民方
稅監之甫臨屬人情之孔棘乃借片言之鼎暫
回中使之車譬諸草木之生春施者忘矣竊比
犬馬之展草報者能已乎况某瞻斗日殷登龍
數切望台階以百拜恍紫氣之當眉臨筆楮而
九迴耿丹衷之在膈伏祈雅量曲賜甄收

候朱侍御 二首

天憲肅垂象緯光搖柱後 帝衷特眷提衡望

重江東當豐鎬之要區需激揚之令範况隣于
極借潤天河某官在人猶龍於道爲鑑風裁凝
峻幾年正色立朝端氣節璘峒此日代天巡郡
國安流止水數千里長江賴之而宛溪之遺誦
又有溪焉帖席更生十四郡蒼黎有慶若并州
之積思宜其久也念某民瘼未習于素無補瘠
瘠吏事不可于初自慚衾影但思追磨巨手雖
石不遺何期陶鑄洪鑪匪金亦煉慙局促未由
跬步致注瞻空曳心旌敬勒奏辭遙瀝叩階之

願仰希厚德佇需煖谷之春

又代

昔屬編氓猥以蕪穢之質附玷門墻今在蟻程
復以子弟之緣邀恩覆露固知如天好生之至
德原不遺于蟻螻但此啣環報主之片心何日
能同禽鳥且崎嶇萬里兼之俗敝民窮而佐職
再朞無由尺輪寸展雖以台臺之手拔幸獲當
路之口旌但恐鶴鷄未穩一枝而鼯鼠終窮五
技每動尊鱸之想幾欲掛冠那堪蜀道之難兼

之懸磬不異羝羊之觸何減跋胡之憂謹齋志
以陳私敢稽首而申候未堪煩縟之儀再溷威
嚴聊用蜀產之常稍舒曝素誰假毛羽使槍榆
爲數仞之飛終藉甄陶願造化弘二天之庇

賀柳兵尊中秋代

素耀延霄期逢三五之節白露在望秋當二四
之中葉初下而桂影齊開草未衰而香霧時擁
蓋惟台臺高風滌暑商氣清溫素節映晴江看
若軍若民在在憇太和之化境虛懷徹碧宇將

或士或吏人人遊淨樂之仙宮使其臨玉樹而
思依靠神珠以欲覓是以謹脩薄獻用致私衷
台臺對景舒懷望織阿而欲御翩翩九霄鶴駕
屬下望風馳魄擬沈澹以齊餐依依百里雲屏
伏冀優容可勝踴躍

賀江西吳按院

代

峻節雲高德宿早瞻于南國芳標玉植風猷甫
動于西江凡與旃幪可勝踴躍某官三吳翹楚
如珠如玉以騰輝奕世賢豪爲喬爲梓而濟美

父母興歌者易地幸托比隣烏臺肅憲于明時
欣逢共轡暫借韜鈴之重遙臨章貢之交玉節
一新霜稜百倍某覲光畫舫已在青衿徼惠通
家得依玉樹薰風遙挹念眷宇之未瞻竊用歉
然赤日甫臨同蒼黎而望幸更有甚矣敬憑子
墨式貢寅丹

答河道曾侍郎

代

亮采惠疇藉膚功于永賴和羹作楫看良弼之
攸資喜見新綸榮分往牒某官當朝石礎一代

津梁望道岸以先登塵襟欲淨廻狂瀾于既倒
中立不移素懷由已之思山川封奠舍胼胝元
老而誰夙擅濟人之具中土平城惟砥柱長才
是托故移北斗之斟酌暫借中咨之要司蓋陵
寢重于行河而轉輸乃以活國從此挽洪波爲
平土鞏東南二百載神基格河伯以安流理西
北六千里故道直有媲美玄圭增光玉鉉者矣
某仰承授節慙附同舟敢不澄濁求清取鑑千
頃之波第恐驟澗暫盈終爲八月之雨何以有
光知遇庶幾不負平生惟滄溟之不遺將涓涖
以自效盈盈一水耿耿寸中

答祝諫議

時講學
羅公祠

羽儀重望誰不願入其門卵翼恩深不徒心服
其教倘斯文之有托固上交者宜然某官以社
稷臣爲道德主泰山北斗舉世所仰秋霜春雨
在天有功夔尚遠大之奇勲殊絕百代孔孟聖
賢之粹養師表一時故當世之學者歸之惟吾
道之宗盟在是而且多能將聖大德不官絢春

花于詞林咳唾而風雨雜集開秋浪于筆海揮
灑則騏驥爭馳乃復接引之餘不遺葑菲惠顧
之寵重以法書某敢不仰附餘光俯磨駑質惟
祈挈互鄉之童子俾得與羅祠之步趨不惜後
鞭假之前策庶幾叶成風于郢匠化匪石之蓬
心或免小人之歸敢忘國士之報若其求光鄰
燭竊潤江流如薛邑之聞歌類齊郊之野唱風
斯下矣志不存焉仰巽休休眷此耿耿

賀瑞州郡守

雙龍北捧雲從魏闕散晴光五馬西行風自樟
江騰秀絲凡屬承庇倍切懽愉某官宿應奎婁
靈鍾尼泗望隆中外試之百鍊而彌堅跡有浮
沉當其歷試而益壯花色滿江浦至今羣黎席
有餘陰棠樹接鍾山一時同事借其波潤誰爲
股肱郡蕞爾華林嘉茲社稷臣高臨碧落但今
之民力竭矣而筠之煩瘠甚焉故竹馬交迎郭
外兒童看蚤聚而蒲鞭思政山中父老望先臨
念某夙藉糠揚方溪梓敬桑麻漸好差寬越鳥

戀枝松桂倘拈亦免村龐吠月爰抒燕賀虔勒
魚緘童音登采油散辨思如山中少不

啟項都諫

代

二史金記之班原稱清切九流人物之品定賴
老成自匪兼才孰勝重任某官胸藏彩筆常依
御案以舒毫口吐天葩更傍文昌而耀燭看昂
抑之權衡蚤定正言公議布滿朝廷美妍媸之
品藻彌精聰聽達觀協資銓鏡舉惟其直蓋由
司直之準繩知盡乎人素有知人之朗鑑坐令

南金東箭上國之珍奇此時其耀熙明即使鍛
羽駑駘下考如卑職一旦獲沾福庇恩私無以
加矣知已何時報之因盟一尺之函少舒九頓
之敬瞻夙望於補袞柔嘉如仲山甫朝臣無出
右者佇進秩于介圭正大若劉太常台輔終將
賴焉徒結懷知莫輸柔翰

答周廣文

宛水照心猥洽一時襟袂燕臺近日居然數載
參商自媿未暇寄聲何意更煩留念豈直致先

施于通問若將聯舊好以久要莫罄銘啣肅申
報候某官劍閣標奇錦波濯秀智亦所遊解千
牛而不折文藻時逸共萬馬以爭馳看化普山
城香透河陽之樹美恩流率土望高峴首之碑
及今筆陣拂春風森森暎日邊桃李泮池新化
雨朗朗徹天上歌弦羊腸九折之途難回正直
駿骨千金之市增重聲名用緘魚素以颺言更
候後津而普度敬聽方來新寵可知庇幸故人

啟王銓部

某官蓋世真才出綸中禁拜紫泥之捧原號公
平表金背之清久稱直諒如冰鑑無私照物真
不媿官以天名似洪鈞獨鑄羣流夫何忝職歸
銓別蓋賢愚無同滯之嘆咸慶彈冠而清濁有
定品之分旋登調鼎某才同樸櫟器若蹄涔登
龍匪今庇履猶邇故吏譴之難追自知失伍者
三幸計典之未沉實以爲天者二聳危肝而知
感刻凡骨以酬恩詹溯微殷敷宣罔旣

賀趙京兆陞南通政

代

保釐重東土遠昭上國之清輝奏狀掌南都新
懋一人之寵命蓋被蒼生以闔澤而孚袞冕以
崇猷寧止一歲再遷快萬方輿論行且三台八
座樹千古鴻勳併幪遍及羣寮波潤更深桑梓
某官當朝元老今代偉人歷保障于外藩佐股
肱于內地如父如母之頌崢嶸牛首鷄鳴江聲
政聲之流照徹玄湖白鷺惟今喉舌之寄特勤
綸綍之頒蓋出納得人知治安有自可謂非常
以簡任又將不次而登庸傳聞四方懽喜一意
矧某也附在同里夙私陶冶以無疆而退省孤
踪益幸瞻依之永托茲緘燕陋代荐葵寅祇申
燕賀以達于銀臺遙祝龍光而登乎槐署

謝廣東張兵憲

碧海鱗稀清光若隔丹霄雁下宿想殊開媿某
才未逾人學不聞道幸竊宛溪餘潤遙挹石頭
清華顧自遷鶩以來祇令登龍無計何期翰楮
不遺葑菲頓撫躬而競慚覺懸心之再展某官
望高山斗德重璠璣穆矣襦袴之歌展也甘棠

之頌績已奏于股肱郡帝遂嘉乎社稷臣繡斧
按庾關早著澄清之偉烈碧幢映瓊海已敷嚴
翼之良猷屏在四封嘉瞻列署某雖乘燹夙好
竊附山甫之雅懷乎但至德難名又何資游夏
之贊揚也肅裁報謝不勝悚然

啟張司理 二首

某備員下乘稽首崇臺樗不堪收每費栽培之
大力刀豈任割時勤陶鑄之深恩徒鸚適以增
慚已看宛水之波潤透蒸凡骨指鸞騫而屬望
何期黍谷之揚輝照滿孤根方報德以無由每
齋心而效祝孰期太翁之奄息致勤台臺以永
思凡有覩聞誰不怵怛而况下賤更倍尋常第
以匏繫之拘無由越阡而哭用將果羞之敬聊
以望車而陳

又

念某下愚不肖至拙無能蒙台臺采及菲葑若
欲脫乎毛骨且錄其父子至不惜于吹噓所媿
罷駑終乏風沙之力念茲殘楫敢忘雨露之恩

聳危肝以自慚誓捐瘠而爲報顧一時馬首迅
速岐路之板幕徒深而萬丈龍門漸高雲漢之
光儀日隔兼以舌耕疆外無由雁寄天邊雖曰
肺腑之常懸何解尺書之久曠所幸星高執法
廟廊共肅風猷而化藹澄清寓縣齊瞻憲度天
上文昌府閣道連雲鼎峙人間社稷臣棠陰帶
日叅差蓋宇宙之內一人四海行霑其澤但夫
子之墻數仞愚生未得其門用是指帝鄉以望
雲瞻長安而盼日荒函恭勒積抱披陳倘更惠
以餘光敢不勉其偷情卽無補秋毫之具安能
報恩然未先朝露之年肯負知己惟垂懸于注
納特恕罪于溷干

賀趙京兆

代

四方取則上心簡異世之鴻才三輔開基人望
歸殊倫之爽氣薰風載鼓煩愠立舒膏雨頻施
波潤何極某官冰姿瑩潔斗氣高華姑射之神
人與居餐雲霞以毓秀屈產之清泉可飲育龍
駒而現竒歷保障于外藩佐股肱于內地詎曰

土廣而回旋獨易實惟天近則展布尤難必相
國鎮關中斯無憂于糧餉若安禮知河內始一
空乎訟庭看牛首鷄鳴吏民愛敬之頌與山兪
峙美玄湖白鷺日夜津頭之聞流地無疆故仰
東土之撫綏清輝分挹上國而倚北門之臥護
旃幪幸賚羣寮某自媿蹇駑異培孚甲曩依玉
樹之末附在紀綱今瞻符節之規得私鼓鑄第
星辰目繫將寸念以方殷而弧幣雲陳媿片片
之徒切敢將洞酌聊攄巖瞻

謝黃禮部

代

睿臺晉陟望高北斗之尊斟酌攸司典重南宮
之寄籠天地于形內久托鄧林播萬物于毫端
同收周鼎將何報德祇有銘心某官金馬英標
玉山溫度以魏科躋碩輔用正孚爲嘉猷惟是
昭代之典儀實賴儒宗之製作淵源入表李絳
獨重朝端鼓舞四民張守最推正士蓋諸卿分
勅于春省將鹽梅以調而三禮雅重于寅清看
桃李遍屬某操刀未習負乘何功袞字褒崇荷

重榮親之賜封章赫奕念深報德之私生成已
藉春輝扶植尚期秋實敢憑及牘奉致寸芹惟
是心旌時傾左右

候陝西徐中丞

地維攸奠內席久推鴻壘天柱永高西垂先著
龐猷萬彙瞻旌節以生春百辟仰佩環而增色
某官黃鍾元氣白雪清心圖書出地文章日月
行天節槩小廉而大法如作既旱之霖邇悅而
遠安先徹未陰之士矧以雍州重地遙臨烏府

崇班光徹六符五丈原中清碧漢戎先十乘昆
明池上淨鯨魚何須發難檄文自是無奸旗鼓
誰敢驕擬漢大共看均屬帶裘佇見鳩鵲新恩
重來九陛騏麟駿業直揭千年某方喜執鞭懸
思分劍有同望歲惟泰山北斗之遙瞻是將出
雲若大纛高牙之寵賁誼將明信情切援攀

請馬虞生郡尊代

伏惟餘寒漸舒北陸光麗城頭之鳳凰新和喜
鳴南郊色遍園橋之棧樸蓋股肱是托惟九重

之軫念更重東南而保障攸司惟台臺之慈仁
通乎民士竹馬翩翩載道透瑞氣于黃堂鶴琴
習習依人拂高風于紫閣乃以咸池之曜分剽
照于幽林溟渤之膏沛餘休于末派遂使下乘
得與甄收頌擬效乎椒花忱用伸于芹藿爰諏
日以迎法從先捧札而達涓人披宿霧于千旌
一路春光生綺陌動明星于色笑千尋紫氣動
寒門肅聽車音預陳燕臆

賀劉澹峯兵垣

伏以筆橐陞華資論思于鼉禁幄帷運策決勝
算於龍堆百辟是儀萬邦爲憲某官豫章儲秀
天柱鍾靈吞八九雲夢于胸中受茲鴻寶挾十
二酉藏于閣上照以青黎掄材標象魁三開第
離天尺五雙溪製錦冰心同淨練俱澄疊嶂生
花鏡宇偕丹梯並峙使者玄圭以告不數鄴中
十二之名渠尚書赤舄頰蜚豈云畿內尋常之
茂宰是以簡在帝心俾之入糾王慝袞衣無闕
多仲山秉不茹不吐之懿圭瓚是釐維召虎佐

我車我旗之議日南颺靜意者聖人作相遂重
譯以來朝老上庭空奚必天子待邊迺執言而
款塞伏青蒲于禁闥天回箴尹之封囊指白馬
于班聯霜肅夕郎之拜瑣邈然立任熙之德卓
矣明鄭衆之經佇看北鑰之壯于城行識南宮
之掌衡鑑某見慚刻鵠學媿聚沙管豹醞鷄不
意題知國士草衣木食曷期繆重王公棲跡墻
東徒託膾牛以避世虛迎席左未方屠狗之捐
軀光殷斗際雙龍動豐城之矚影帶吳門足練

來泰岱之觀敬依北極餘光爰對金風獻祝願
君子既多受祉繡裳玄袞千年佐丹宸之太平
惟元老克壯厥猷弧矢彤弓萬里來白狼之歌
舞

同社請徐翁仍計偕

某兄振儀鳳穴當年學邁向欣標峻龍門弱冠
聲齊晁董洪波駭八水驚看筆海流濤餘氣潤
九蘭坐美談叢散馥乃垂天之翼豈借翰於槍
榆而橫海之鱗若須流于涓滴引六子爲素友

操五藝以持衡使魚目得軼靈蛇而鈍足若羣
仙鹿德斯渥矣愛莫助之茲且奏藝明庭行看
策名上第雪花飛廣路新和五色雲香梅蕊報
初枝交映三台星見筆下五十絃寶瑟翩翩綵
綉丹山胸中三萬軸牙籤片片光搖花市三千
籍上香案舊吏重將接武凌烟十八聯中瀛州
少年先此爭輝寶璐庶淮南鷄犬欣承五色之
丹而冀北駑駘得附千里之駕矣敬衍操觚之
勝事聊開祖道之清筵下里和歌會見瓊樹崢

嶸宛矣流香詔墨曲江試燕欣看冰壺漱暎儼
乎色動恩袍謹及期掃榻以迎願飄然駕鰲而
至

答楊刑部

代

法宿高懸遍晴光于漢闕春風又布瞻雅範于
程門曷勝心懸可知誼重某官氣孕吳山而並
峙輿揆禹穴以稱奇破浪乘長風看曲江蚤搏
鵬駕分符應列宿喜浮梁暫試牛刀賢聲已著
循良選衆還推執法率秩峻依于北斗明罰凜

凜嚴霜福田廣種子西曹慈惠依依化日乃奉
天之憲以憲多士花雨均沾持國之平以平羣
材甄陶永藉殷殷門前桃李蚤收得士之芳聲
盈盈匣底參苓遍起羅才之美頌故某本樗質
敢曰楚材錐之處于囊中誰爲脫穎羅而致之
幕下實賴吹枯方期一試于宛城不負愛民如
子之教忽已報訃于湘水祇增無父何怙之嗟
罔極徒哀將望廬而匍匐恩知彌切更就日以
披陳

賀朱光祿

代

君子道長類不次以登庸帝命重申儼特恩于
由舊鸞旂攸賁遐邇稱歡况藉末光益深私怵
某官貴名皦于朝日直節凜乎秋霜當年政簡
刑清朗徹宛溪百尺至今家尸戶祝高依疊嶂
千峰文采居正色之地百辟具瞻明主可忠言
之時曠古一合䟽列而邪姦不起驚伏猛于山
林舉念則奴隸皆知慶開明于天日渡江所未
有綱紀肅本朝之中蒼生其如何老成起東山

之下卜治安之有自共相慶也謂覆露之攸資
私竊幸焉某本庸流忝竊玄蔭徒令代大匠之
斲未能操善割之刀信五刑五教于相資頗欲
聯其官治敢三沐三薰而有請更望藥以忠言
敬申賀屢之禽殊同戀軒之馬乞原引領并贊
瀆尊

候河南某大叅代

中土分藩居六合輿圖之勝闡垣持衛總百僚
綱紀之司燕喜維新龍光有渥某官清融冰柱
峻拔斗杓立砥柱于中流靜觀頽浪橫孤舟于
野渡坐鎮要津福星耀武陵看溪上鷺花新雨
露使華周象郡將海邊牙纛領炎霜誰不知公
道之行風問天下欲盡究緯經之蘊烈簡帝心
旌旄目下映三河名藩假重劍履行來高二室
良翰攸歸道協龍馬之交身當日月之會人文
之所都也伊闕在焉藩屏良不虛哉洛瀍重矣
某執鞭有願望履非遙愛允藏于隰業柔翰難
罄情聊將于澗藻汪度是依用矢蛩音伏祈鏡

照

公祠請右文弟

秋風騰鳳翮看晴光遍滿梧桐春意見龍頭喜
陽日肇開桃浪欣繩祖父藉重門間謹卜詰朝
用陳片席忠勤閣上式占東聚之星金馬門前
佇看北征之駕

候座師啟

代

竊聞干湛埋塵遇張華而耀景駑駘立市逢伯
樂以增榮由來知己之恩固自與天罔極某官

胸吞斗宿手抉天章雅度冲夷盎若春風玉樹
清標瑩徹皎如秋月冰壺提衡而望重儒宗徹
九微之朗照司虞則名齊工正信一代之津梁
宏天網于葑菲之收錄長下體相神機於牝牡
之外索駿披菑第花雨之栽培豈特增光下里
而燕石之中襲不勝負玷高門卽如門生固其
人也有絲麻無棄菅蒯徒慶幸于三生非木石
自具肺腸矢不忘于沒世乃今百里蚤負益深
旦夕冰競是以中心藏之聊效玉環之獻伏冀

惠而好我敢忘瓊玖之投

壽朱侍御

某官德共星明秀從嶽降茲者微陽始動方獻
頌于椒花新曆載開喜呈瑞于桃實日以五數
適符銅狄之期月接三元將發獸樽之飲妙一
良以成始年爲大年紀千歲以先春旦而復旦
看金簡竒秘之牒鎮南國以未央吸陽華宜年
之泉鑄北斗而有始看一籌重添海屋幸八千
未老春秋願分丹壚之餘壽茲品類敢抽鴻寶

之秘視效岡陵

候尹明府

某官德含鼎象道合乾樞乃以大賢之猷爲遂
囿下邑于沾被看霜寒日煖士民又敬又親等
父乾母坤恩義增高增厚蓋闔郡之所均也而
賤士更有私焉兼收不遺葑菲榮顧及于父子
稽宗凡鳥題以家學之洪鎔莊轍微鯁譽以福
門之厚植六年履露一旦睽違生則吾親孰能
同此罔極成惟夫子何以不負相知所幸南國

之棠猶新餘蔭而西河之業如在親承誰謂河
廣乎一杯東海不盡雲瞻處片影西山伏異弘
慈永加鞭策宜聖頻稱季路寧敢望之茂才不
負楊公竊有願矣壯夫重于德報寧忘見後之
鞭烈士激于心知可虛指南之導莫殫耿耿薄
寫詹詹

謝臨江司理

代

法星所指看景曜遠映西江雲翰時飛喜清風
遙頌南國啣情優渥撫已競慚仰惟臺下爲世

所儀奉天之憲蓋一舉作相在種德者原然而
五載明刑如芳稱者有幾且威恩並沛霜林草
木回蘇更文彩交流江畔魚龍齊奮是以欽標
國棟夙屬隣封乃復異庇垂雲暫私下邑不忘
恭敬其惟此桑梓之謂乎何足重輕顧置諸齒
頰之間也無能爲報徒懷特達之恩激于勉修
尚冀曲成之誨意氣所許肝膽寧渝

徐翁仍連舉二子戲贈

龍種毓精北征壯千里之逸典鳳毛獻彩南來

趨八月之光華况復中秋呈茲上瑞蚌珠開處
疑月中輝射璽瓏桂魄香來看天宇精搖璀璨
徐卿二子彌月源源而來荀氏八龍四乳多多
益善老孝廉翩翩膝下喜萊彩瞻映庭階小封
君熙熙壽域美永日輝煌紗帽有酒如澠莫問
田輸百畝壹醉日富當知事足一生鼓我舞我
平原十日未爲竒叔兮伯兮李白千鍾何足數
片言代祝九竅含情

謝楊直指學院荐

代

清音振聽于爨餘枯桐爲之發響夜光普收于
玄璧怪石因以騰輝在物已然于人特甚故駿
明堂下乃承叔向之延而石甫車前深荷晏公
之舉知己最重報恩宜隆某官養秀芝田摘華
桂苑屹萬波而抵柱標千丈以凌雲將排凜氣
而進暄嚴霜劑之膏雨行變貪泉而爲潔玉尺
映以冰壺憐才不愛其情使噐無求其脩筆陣
披春風之拂雖凡品而不遺墨池濡時雨之滋
果細流之不擇如某銅墨下吏樛櫟散材友事

之道無聞焉四載彈琴如不韻治民之畧未有
也頻年製錦媿難工遂濫竽俾在盧前量市駿
先行隗始五色卿雲增麗爛矣褒章八音雅樂
齊諧鏗然荐牘鼎言自多取信影顧未免遲疑
敢不堅持後節仰荅鴻休倘未至于覆車庶有
光于推轂髮種種以何愛永厲寸心路悠悠而
彌堅奉揚大雅其爲稱謝未盡敷陳

答貢氏婚啟

春燕引新雛陣陣薰風欲鼓曉鶯求好友聲聲

夏木齊高情協同羣禮宜作合喜成言之始定
感盛禮于首加某某體大雅以爲文範人倫而
作則王文度風流獨步久重江東陳元方閨門
雍穆近屬湖南矧華胄遙開巨卿繼起南漪公
之忠義受軒公之理學祖肇孫承東平洲之宦
聲烏程縣之經傳父作子述將還舊觀于奕世
必有英物以亢宗何期次令姪之崢嶸乃向長
孫女而問聘佳醴陳來花散彩如開馥馥書香
新言訂就斗爭明還暎暉暉玉潤媿某以景升

父子徒切仰高而門下以韋家弟兄勤施削牘
敢不承命于柯斧聊爾附報于篚筐念企大方
恩旨永戴

請馬澹真學博

薪慙開雨露元氣頓還乎百年眈眈垂日星深
思載榮于一顧人嘆遭逢之獨盛自知報荅之
尤難爰扳戀以彌深敢斯須而效悃某官自天
降任爲世宗工卓矣文章之正印玉質金相凜
乎名義之大閑氷懸雪跨朗照定妍媸好醜藜

如分太乙之精賞識超牝牡驪黃駿欲拔數千
之隊夫子之循循善誘其在茲乎吳興之詵詵
秀英斯爲盛矣臬收徧于桃李宜望隆于斗山
遂使溝中之棄餘得借席前之光寵若欲脫其
毛骨媿父子之兼收每不惜于齒牙喜葑菲之
欲采此固大德不德等之地天然而知恩酬恩
敢後犬馬久典懷于野曝幸遭際乎風雩敬用
詹日良辰肅挹三台上座桃花開小徑座驚洞
口神仙柳色蔭修衢杯曠山中日月麥含金而

欲秀鶯出谷以有聲所望儼然不辭賁止豈獨
解顏引坐分芳潤于文星抑亦問難質疑領清
音于茲鐸預陳燕臆榮候鸞旌

請太平張明府

山表龍門春風漸鼓巖邑冰澄鳧影冬日載起
窮簷看朞月而化行將合郡以聲紘又况河陽
桃勝借蔭菲葑單父琴清分光友事迓緋衣之
至止如璧如金歡從識面瞻紫氣于重臨似蘭
似玉恍若同心蓋先聖曾以爲憂惟是所學之

不講昔賢能守其道專待後人之嗣典故豕苓
鷄壅幸收藥籠而鼠肝蟲臂敢忘化鑪某官事
功文學之高海內共推門第道德性命之術今
時不遜古人是以直涉聖涯不勝抒寫之妙淪
于民髓坐令德澤之深如某未識藩籬獲垂顧
盼恨躬逢之不早復仰瞻之未由所幸白嶽黃
山可窮清勝將于大人長者時奉長談特緣駐
節之餘肅致芷芹之獻敬諏某日用秩初筵惟
祈台駕夙臨彩旆風生滿座誨言時領青氈露

灑幽林敢矢蚤音願祈鏡照

賀周江院

代

桂月映晴輝金氣肅清江上楓林爛文照冰威
久耀臺端樹畿輔之于城鞏東南之鎖鑰某官
虹涵暖玉風謾寒松秀色將石門劍閣以齊高
芳猷與錦江玉壘而並麗故廩庾積貯寧邦本
者定藉上籌而兵甲攸司仰澄清者思撐半壁
昔賴䟽通于園府聲名直撼山斗已空鼠雀之
群今瞻屏樹于江淮號令蚤鼓風霆遠破鯨鯢
之浪控留都而作鎮總吳會以爲霖豈獨白簡
朱威倚督察糾繩之寄抑且紅濤赤霧賴宵開
晝靜之勲何其幸乎卜治安之有自私相慶也
謂覆露之長資某以庸流附在下吏不勝形穢
尚藉佩于韋絃徒有心慙斬共歸于陶鑄敢以
忬忱百叩聊爾申賀片言伏願雨露譔東南俾
一方民社之司藉甚春生衽席鋒烟靖翰海將
萬年神武之布展也化贊垂裳

賀邵憲副

代

薰風高北闕到處興解阜之歌駛雨注西江舉
世仰迴瀾之力法座擁樓前棠蔭望重秋屏福
星指洲上鵲花慶連天寶况乎辱知惟舊從茲
取鹿益新某官懿度䟽明瓌材秀發接紫陽之
正脉飭吏聊見緒餘茹白嶽之玄精兼材自堪
大用帝謂夔也能典應知禮樂富三千人云范
老難欺會是甲兵籌百萬栽去千桃開曉日共
看武陵溪畔盡通漁迎來五馬趁春風爭識靈
壽山中新下鳳所試輒驗易地皆宜何期寇借

南昌轉覺天移西爽惟治聲已藹長孺乃朝廷
特簡弱翁幾番琴鶴携來共訝白沙晴色千隊
旌旗簇湧猶聞黃閣餘香蓋恩威並著于此中
欲龍韜之遠借而文武兼資者有日故鳳詔之
特頒直將調玉鼎之宜不美屯廩如坻真可作
巨川之濟漫云煮海于邊光華近逼台垣歡怵
已通朝野某沾馥宇下附玷年家小草長松臭
味或同來牛去馬步趨難及鼓瑟試歌乎好我
開樽竊奉于知心翹馳麾蓋之先臨肅展菲葑

而上賀搖旌所嚮涉筆難宣

謝李司理查盤

代

日馭甫升是處仰清輝之普矚雲車遠覆當前
現寶色之靈華天功豈有意于鎔陶風被自興
歌于康阜某官恢恢法宇湛湛襟期抱渾金璞
玉之姿所過者化廓地負海涵之度莫不具瞻
念茲蕞爾宛城乃辱高臨使節豈獨園扉鞠草
人自不寬應看弭盜祥刑吾使無訟調劑憫雲
霓之望肌髓淪而擬議難名周咨宣雨露之恩

置郵速而色聲不動雖一方贊察未究經緯于
中藏而幾派澄清已耀光明于深阻至如下吏
徒懷精白以披雲詎意上公亦取驪黃于懸鑑
既爲蒼黎請命翻令蓬質增光願治久媿無功
乃持八柄而默爲鼓舞題品原難入格方借五
教以陰賜吹噓登鶯樹而懷慙沐鯨波以戴潤
暫隔儀形于咫尺時刻依依緬懷厚德於高深
心神耿耿

答管四虛同年

壬子稿

座上星輝光久分乎良晤眼前春雪色恍映于
仙標未先問及棲鸞詎意書貽烹鯉不能去手
只有銘心某兄門第高華才情清上挺鄧林之
老幹作鍾山之重珍名首重于八元吾黨爭看
附鳳榮獨誇于隔座國家共羨祥麟漢廷董子
之科尚有待于大噐唐室何蕃之傳蚤已著于
隆稱某幸在追隨未堪批導貂不足而狗續鸞
有求而谷遷乃華札鼎來訝珠璣之錯落兼金
賁惠驚璀璨之晶瑩依向有餘濫叨不敢謹循

例以藉手實享意而懷恩莫罄揆裁只有感謝

候徐司寇

代

萬國清和瀕賴明刑之典六卿分職屬嚴司憲
之班而况法兼修乎甲兵名正重於燹鼎某官
立朝不阿不激巖巖泰岱具瞻當國有緯有經
赫赫巴江勞績人心鎮定智畧不數方平事變
裁宜威名豈讓張咏片心看若水蚤已簡在一
人八法見提衡居然儀刑百辟方愜霖雨之重
望乃抗浮雲之雅懷且長公學擅一時雅邁雕

垂之技高門澤延奕世喜聞得鳳之音永言快
愉實超倫等某性雖踈直而民未無寃心若不
私而政豈自當待鉅賢之几杖得借甄陶近有
道之門墻獲蒙提獎矢以沃心之益焉能必說
行如流欲動攬轡之思豈敢云姦落于膽仰思
聖德方知厚地隆天之酬刻骨難忘誓殫臣忠
尚冀老臣正士之語書紳自警肅裁短楮俯竭
單心

賀莊太史

代

谷鶯初轉晴郊恍矣榮高遷木海燕新飛春日
居然意認捲簾物有會逢情深曠視某官吞雲
夢者八九富禮樂于三千相馬得天機固知牝
牡驪黃之外別有神識雕蟲歸藻鑑夫豈風雲
月露之竒僅備淺收蓋儒臣之用宏哉君子之
道長矣乃承穆清之眷遂陪宥密之儔寧止一
歲再遷快萬方輿誦行且三台八座樹千古鴻
猷在朝野若鳳凰爭先覩之爲快况宮牆而桑
梓豈曰從之末由但仲尼之徒千餘而神明之

宰有幾某雖才謝往古然而教佩明師奈製錦
之譏宛水徒深某月而舞班之淚湘江忽洒嚴
親叫殘瀕灑趁西歸敢共庾公而比孝歌入燕
雲還北向正懷慶氏之微忠蓋緬想台臺豈忘
乾坤大造而近聞榮蒞更深藜杖追呼因瀆龍
光肅申燕賀伏祈茹鑒可勝光榮

答建平羅尹

某官金莖淪露玉尺懸冰賴爲畿近之屏藩晉
陽尹鐸其選也試之桐川之盤錯朝歌虞詡莫
過焉某月之間麥岐共花陰俱秀五雲之上衢
歌將鳧影俱高生以如山如斗之瞻切維桑維
梓之敬方竊隣封餘照乃承格外弘施及其所
親恐愛之而莫助更勤翰藻感捐佩以何言謝
公度之隆施慙寸私其匪報

盧芳菱侍御

每依日月之鄉動覺風霆之氣蓋台臺之主張
國是而流溢道旨也某方奉典刑于梓桑更效
鞭弭于闡棘雖淄澠莫辨媿兼收之非宜而繩

墨在懸庶幾流射無已故周旋于風雨露雷之
教何啻山川出雲而藉蔭于泰岱溟渤之靈謬
日薪樵造士至今想高筵之談吐清氣猶流不
覺感歲序之遷移夢想何極肅虔楮墨以申謝
小盡肝膽之輪將

素雯齋集卷之三十一終

素雯齋集卷之三十二

西吳吳伯與福生甫著

文部

啓

邵大座師

生必在三無文王而猶興者有幾教不擇類惟
大冶之鑄物也猶然驚逢海若之觀倏聳涓人
之價凡登其門者人咸思奮况感踰分焉獨矢
難設某官當世鼎鐘千年儀羽登壇而抱雷鼓

首開途轍於青雲經世而吐天章久揭聲華於
白日立太上不朽之德依乎中庸發二酉未盡
之藏宅於大雅太山之仰盡歸學者豈羨相如
楊子雲之善鳴霖雨之需益切蒼生行與閔天
散宜生而爭烈直擎清寧於八表且新陶鑄於
四科遂使匠石之斤橫施朽斷巴人之唱妄溷
太師高借溟海之風鵬搏九萬餘里若比瀛洲
之數士占一十八人某最疏材亦塵華貫被猿
狙以文繡徒自慙乎不衷驅麀麀以服箱若欲

使之致遠固知有容大德齒革羽毛無棄材其
如莫測歸津溟渤滄瀛誰是岸只今鳧趨冷署
兼之鳩拙營居猶然身落爲匏東方生餓且欲
死但令塵雖絕爨童子鴻熟豈因人車輪馬蹄
之餘蝨處禪而難脫筆揮墨洗之內蟲雖雕而
孰珍希高標之餘拂望鴻浪於微霑是在發皇
耳目曲賜砭箴庶幾曜慧日於康衢重昏夜曉
蔭法雲於真際火宅晨涼從此賽德餐花不聞
朽木俱盡銘恩結草矢與髮膚全長慨切披衷

戰惶申楮仰遲帝賚俯冀道珍

李雍時房師

恩歸桃李化雨無私翼借鯤鵬拔龍有幸蓋秋
風春色物類之鼓鑄如斯而父教師承生人之
啣情曷旣某官廟紘古調國棟高標李宣伯之
當官永矣廉平夙號山巨源之稱職居然雅操
絕時加以文譽揆天尺度權衡之在握登壇作
者識稱燭地毫毛絲粟之兼收雅慶同人至若
豆箕之朽材亦玷冰壺之藻鑑頓使枯魚被澤
病驥追風媿非臨川之倫蚤更世事敢忘睂山
之荐遠駕古人祇今北望門墻雕馬河邊思借
潤遠看雲靄鷓鴣陂上漫傳音水一方兮懷人
斗牛墟近情千種而圖報蛇雀心懸感豈止於
膠投忱少舒於芹曝伏祈慈納不勝心銜

公啓熊宗師

洪鈞鼓籥托埏埴於一陶絳帳懷思儼宮墻之
數仞凜不知其所報內自顧以何堪員笈無由
搖旌曷已某官全楚人英三吳文曜盡吞八九

雲夢看鴻明氣采凌青冥而孤騫思壯百二河
山羨駭厲風猷揚紫塞而獨起蓋蒼生望爲霖
雨而學者仰如泰山以故遁颺颺於白日青天
遼薊肅矣威名將永文永武行與方叔召虎而
爭烈猶且起物色於紅桃綠李陪京爛焉文教
真如鑑如衡共佐菁莪棫樸於中興遂致溝中
之斷才咸爲席上之珍重鵬搏九萬餘里高借
溟海之風士占一十八人若比瀛洲之數此在
上臣事主雖不以已而以人顧在志士銜恩則
固如天而如地但某等有懷立雪時勤清夜之
思而無計瞻雲徒嘆崇朝之遠茲幸二三之萍
聚用輸萬一之芹悰味不遺葑菲冀偕參苓而
收入質雖同枯朽終傍公門而藉榮倘不以拓
落之棄餘更施雕護敢罔念乾坤之大造負玷
韋弦伏願順序節宣慰人瞻望將漢廣江永益
高調燭之新輝而沅湘蘭芷並借餘香以下潤
某等無任依托感激之至

賀杜太尊

一德簡彤庭捧去祥雲高魏闕九重憐赤子移
來保障是鄰封方蹈德而詠仁分輝黃蓋乃舉
彼以與此色動玄扉萬姓自此昭蘇縫掖爲之
舞忭某官役神標舉妙氣萃凝首山石樓之英
重誕厥秀軒轅芝受之秘克紹其傳始縮綬於
司農燕臺羨無雙之卓異尋分符於刺史池陽
誇第一之循良論汪澤則五谿共深想雲蔭則
雙溪同仰顧雖接陵陽之脉猶中分秋浦之波
臺旌社稷臣謂寧之紛拏轉煩非藉良牧誰爲
福十萬之戶帝重股肱郡謂池之道化已洽况
去宛陵猶不遠三尺之階因看借寇新風父老
延鶴琴而侈誦恍似迎劉舊主兒童紛竹騎以
歡趨名譽已翔光躡霓裳之色設施再見佇彰
殿柱之輝某等識讓任棠身非徐穉披仁風之
蚤扇妄擬舊寅仰福耀之重開更沾新宇隔千
里而如見顏色願一介以申賀崇堦伏祈台鑒
之優容易任愚衷之榮藉

賀饒崑圃兵尊陞蜀藩

鳳德休陽南國起斗山之重鴻猷顯被西川仰
保釐之光民歡福星國資良翰某官華胄連天
玄臆對日門風不數韋杜藩屏載繼召周司文
柄於浙邦快覩公門之桃李縮兵符於吳地重
開帷幄之經綸萬間蓋載黔黎三尺激揚清濁
帝曰作朕股肱於外須簡耆夙之賢僉曰惟公
旬宣於南載錫維新之命用茲綱維乎全蜀賴
以型範乎諸司方露冕而褰帷佇持平以秉國
某久荷栽培宿霑淑懿袞衣至止方瞻旌旆於
城隅玉節遠移莫挽車輪於道左心逐薇堂之
下忭蹈情深迹寄金臺之傍趨蹌禮缺懇裁竿
牘悃布篚筐有恩聰明不勝肝膽

啓方閣師

某拙而無奇弱不自植素弋情於淡墨妄結想
於名英幸臨師匠之模漸輕凡骨之蛻雖美富
如夫子學者未得其門而吐握過周公士也敢
負其遇然且寧甘塊處敢不自磨鈍頑有書史
在焉豈嘆冷官於鄭老縱贏金非也誰結知已

於昌黎况乞印請差敝衙門百般借徑豈敢效
尤或錄志矜愚老師臺多方訓迪不無厚望敬
呈莊老之註并上扇頭之題豈敢自效於庸音
正以勤思手指授

請馬虞生郡尊

化日春風物咸資乎鼓鑄父母師保人共戴於
生成因瀆鴻慈裁修燕喜某官木鐸百氏笙簧
六經吐河洛之奇直遡羲皇於筆畫寧徒品重
龔黃發宛委之秘蚤窺禹穴於碧珪不但才收

竹箭因撫五辰而敷政乃先列郡以蜚英人懷
召伯之坐棠知苗蔕培植悉根天性士樂僖公
之采藻看溲渤徵收總屬羣材托諷諭於當門
誰邁任棠之遠識承恩知於下榻空慙徐孺之
高風傾綠比試之期衡量不爽一一共仰鑑觀
之哲小枝效其閒閒昔徒控地於枋榆今若回
春於黍谷小子幸有造敢云八士齊聲凡民待
而興實慶百年知遇謹蠲某日之吉用輸萬一
之懷跪進壺觴言攀金烏何以明信祗溪毛澗

藻之微維此作人在馨欬色笑之內

請李二尊

綵慈有日久殷葵藿之忱登進何階更切粉榆
之慶檄棘並勞於佐助拔茅多藉於旃幪敢布
微私庸將下悃某官宏材翊運厚德鎮浮閭閱
聳雲霄踰映巴江晴色聲華璨奎壁差峩劔閣
奇峯聖天子謂治郡治兵非其人不可大丈夫
惟乃文乃武皆易地而宜甘雨隨車直向流雲
疏襦袴明珠還浦好同荐士廣薪爨遂使六邑
散才乘霧交依蟾窟若令八士舊種隨波並集
龍門枕滌再三吉涓十七引壺觴而申素念竊
俎豆以挹光儀旌旆幸須臾慶來歸於燕喜雲
霓投咫尺願借重於鴻翔

候趙嶼陽大座師

仰惟老師魯國之儒一人生民以來未有其肇
清寧於八表新陶鎔於四科也遂使曲水歸繩
躍金入冶徙南溟者九萬里鵬翼高竊收北闕
者十八人瀛洲比數至以與最疏材亦塵華貫

既受福於王明敢忘恩於師匠乃老師之顧復
門生也甚門生之怙恃於老師向頒種種臨池
一似金書玉檢窺藏使者今領翩翩織字何啻
天祿石渠杖屨老人若其採取更及蕪詞祗慙
跪進之無由尚敢郵傳之或後第馬周久淹逆
旅相續假歸少陵微咏辛酸無從售刻是以遍
爲旨索繼之手書引瓦缶於玉鳴徒風傾而鏡
仰瞻麟趾而挹過庭之至訓望履袖而欣華館
之清言空想坐春徒疎立雪惟是名高北斗下
赤墀於金函詔起東山儼丹晨之玉佩庶幾望
履非遙瞻顏有自耳某技等飛颺才長縮蚓追
希驥於十駕已覺踰涯效晨雞之一鳴何復過
望但癖古或其夙志館考勉效育趨有無聽之
升沉隨付非爲中熱乞諒其今日之情何以書
紳尚祈爲片言之誨但不愧於教育是所報於
異知雖禿千毫莫殫一感瞻階延佇拜使敷宣

候李雍時房師

鑒重人倫夙仰冰壺於弼教模歸師匠幸瞻斗

曜於橫經鯤鵬已借秋風驚蹇更馳春日似茲
侍怙敢倍生成某官廟絃古調國棟高標三千
字縱橫闢詞林於四照共識開談捲霧二千石
明允印心鏡於九流直看蘸筆迴瀾天地大日
生扶撥枉撓中仍不疎於結網風露無非教輕
重低昂內自罔棄於茹茅楚國之璠璣爛焉借
輝盼睽東南之竹箭富矣幸闢薪樵蓋一時陶
鑄方新而異日台衡攸藉亡何賓筵之歌旋舉
蓼莪之痛遂殷思色養而難追叫迴瀕灑望親
顏於不返哀絕松楸遂使阻隔門墻情徒傾乎
立雪重致歲時寥廓心久曠於愬風蓋凡此九
人共沾蟾窟秋香與其進也忘焉何敢而况於
兩生頓潤龍門曉浪栽者培之報也更難泰岱
榮思媿弔唁之久曠燕雲引領將瞻拜以何時
或者爲潔已之互鄉終摳趨以聽命敢曰已題
名於鴈塔遂管進之關心則庶幾無負師門乃
稱報德云爾敬申公奠并布私芹倘賜慈存曷
勝感載

請婚劉氏

代

日轉蹄輪盈盈金色齊端笏天張膽鏡片片香
塵罩委紳蘭吐庭階柳是官儼趨丹籞冰獻龍
藏梅欲豆光切紫宸而况邊雲與綵綬交橫人
門連嶽岱俱起秘閣之藜燃蚤分太乙絕塞之
輪轉不滅關中天篤親家大人爲盛時真柱石
耀光明於深阻究文武於中藏乎某自媿小草
長松或同臭味妄思兼葭蘭玉終可附攀正桃
菜初凝蚤結千秋之約看鴈盟新贄還值上元
之餘是父是子以何堪自覺形穢宜室宜家而
來括蚤卜德音媿芹獻之卑微冀汪洋之畢納
搖旌所嚮涉筆俱長

請敬亭社中諸友

氣聯筆鉞文芒亘百里以雲迴味結芝蘭意氣
帶雙溪而星耀蚤試三場之技翩翩皆士望如
領一峯以獨尊齊揮四季之戈種種盡神機若
翼衆鳥而直上以故瞻其社何殊升瓊玉之堂
抑且過其山不啻遵鄧林之野媿某銛非莫鄒

八卷三十一
敢比試於屠龍色實無盪乃分幸於飛燕遂使
江河之潤涸鮒圖存隣炬之光貧家借照念此
青藜之舊焰幾分瑞於冬初顧彼丹桂之新芽
將盈輪於望夕用蠲九日擬試上元共看官樣
文章登筵揮塵齊聞瓊宮消息設炬張燈伏惟
賁臨曷勝豫悅

迎鄧玉筥明府

某官玉温金粹雪朗冰瑩艷看燕市之花行製
澄江之錦蓋山城之小試固台鼎之先聲乎某

辱在編氓獲附同籍不遐遺於葑體幸笑語之
追隨有大造於家門敢妄邀乎洪庇但願十千
家之春意豈弟如天一二日之冬稜威嚴振地
閣右間左之上下其手會見持衡而平門外門
內之低昂其宜真是彈琴而治此之謂民之父
母與人誦僑之生成頽邑許之自新某某請從
而後也寸抱第增於搖曳聊同竹騎以歡迎尺
緘幸附於來翔蚤冀星軺之寵賁毫端草草心
曲葵葵

啓熊芝岡宗師

江漢波揚圖存涸鮒煙雲勢借得奮潛蛟况斷
削自神斤廻倒瀾於文海而標題煩巨筆握朗
鏡於士林後知後覺之栽培時流望而顧化如
天如地之覆露賤士依以揚聲其爲恩銜曷罄
輪寫師臺名魁鄂渚清秀擅鍾臺吐氣而虹蜺坐
倚搖舌而山嶽爲動鸚鵡洲邊雨霏霏玉屑傍
文津寒谷輝生鳳凰山外雲隱隱金相開組織
照徹風霜獨高遠薊看宿衽全消不數鵲

印封侯旗鼓雄建陪京將纖微盡滌豈直龍吟
負鼎目數行萬俱下試及朞而已周不擇細流
漢之廣江之永高懸巨眼衡斯平鑑斯空更念
如波漸頽士風日甚一日而若草欲偃宛士滴
之又滴以龍象猛擔當之雄廣菩薩大慈悲之
願遁魍魎於青天白日之下起物色於紅桃綠
李之中一寬一嚴總之分涇離渭萬舉萬當誰
能瞋目瞞心吾無間然莫可思議信鐵冠之何
忝將玉燭之賴調某本庸陋久在顛躋出埋刃

於重泉收燼枝於烈焰自非明鑒孰運神功錄
其株守之無他借片言於喑喑之內似謂散才
之可用隆一顧於落落之中永叔崇文予明好
士莫是過也殆有甚焉而且憐惜之心時勤於
咳唾鞭策之力遂效於津途頓使病驥追風枯
魚被澤如成就之恩可報何棄餘之骨難捐倘
猶枉鉛華更施丹艷時置之膝如常及門庶乎
甌瓿發響於洪鐘熠燿併光於慧照敢不益自
修飾勉副磨壘久托迹於疎違徒結思於宛轉
虔陳螳素用藉魚箋伏願上答廟朝精調寤寐
沅湘蘭芷香風益暢於金商臺閣絲綸宿蔭永
資於藥籠

汀州馬司理年兄

符竹新分並遊共借君重伐木載咏有識以爲
我榮尺書寫心千里對面某官璠璣偉望牛斗
孕精龍門山飛瀑瀆巖恍若芙蓉之製衣被州
縣羅浮橘飄颺隨地儼矣甘棠之霖潤沛風雲
遊刃發新斲諒反手而仁民矣啖蔗入佳境在

高門之陰德乎固知任鉅肩鴻緣茲伊始而握
樞都要所受無涯某以朽材獲附同籍慶有樾
林之大蔭每思瀚海之洪波儼睂目於詣前鞭
磨何地顧跼踖而恐後刻畫有丹聊繫藻之是
將豈墮麓之堪和揮戈有志願承視後之鞭執
爰無從翹依叅前之鏡

候太平何郡尊

首郡屬開天增居三輔之重明公多異政巍然
千里之師蓋泉水久徵介於夷齊而威名且遍
知於草木故雖長江天塹誇洶湧之波濤乃幾
度春生合綢繆於戶牖奸吏屏除魂欲瘦霜凜
九秋疲民養活肉將肥風薰六月與本蟲臂仰
藉棠陰知所屬心且欣奏面月朗采石磯上臨
照何分於隔疆天高謝眺樓頭被覆終歸於同
域片楮馳瀆采非知榮

啓徐惺勿按臺

漢詔風馳凜西臺之夙望周行霜肅作南國之
新型况辱恩知敢忘眷戀某官泰山萬仞瑞鬱

忠葵溟渤千尋光搖諫草看栢府沛澄清之澤
使鎬京奠磐石之安屬者聚議盈庭何啻九關
虎豹今也申鳴正論直是千仞鳳凰解數年不
結之是非關千古攸分之理亂圖深鑄鼎望重
保衡某本以轅車仰承驄御旣執鞭於姑孰復
接席於宛陵幾度拭目而瞻天未數承顏於縮
地茲當謁選而北正值復命自南敬用裁函聊
申別緒芹將采采固輶瀆之俯慚葵意區區實
鑒含之仰冀

請余郡尊建坊

景星高曠練光化雨重開真氣裁脩燕喜因瀆
鴻慈某官楓寫文心直共敬亭色遠松扶朝爽
還同宛水澄清堂匝地以成陰光觸天而射斗
固知林皆可賴之樸從此冶靡自躍之金八士
齊聲敢曰風雲之壯百年希邁正當棹楔之期
敬儻豆觴仰迎法駕開彩旆於砥石若現卿雲
睨塵柄於几筵勝霑霄露齋心謹懇稽首呈情
候王憲葵撫臺

龍頭拂日隨車潤渥渾河豹尾橫霜建節氛收
馬嶺豈但藩籬上國固且柱石中朝况辱倘於
門墻久櫻情於遭際借光四塞竊幸二天某官
周鼎碩膚殷圖良弼優經綸之大手甘棠南國
至今存頰鎮撫于崇牙鎖鑰北門何以讓人道
白石諸口爲夷氛煽厲之區臺來清苑河邊調
寒燠不時之節看文星之避斗中州錦繡肝腸
還須過峙望軍樓喜爽氣之隨風太常文物樽
俎直是高臨磐石隘業旣懋旂常之績固宜上

聽履之班某本畸人久歸夫冶昔者藹辭燕下
有幸采葑今也藏拙雲司空圖報李天高地厚
申心盡物爲難日居月諸結想踰時是切聊虔
筆墨罔旣衷腸伏願翌小子以有成無忘乎履
中燕托念老臣之開濟永綏於日下龍光

賀王玉沙撫臺

某官身佩安危力扶運世正文斗分星之野障
東南半壁之天虎戟麟臺霆流風襲十四郡化
行草偃二百年秀擢勲高稽鴻製而煥龍章降

八命而馳三代慶綿鼎彙績紀旂常棗托幸維
桑寵蒙大厦方偕父老共切瞻依徒向星辰遙
申頌禱蓋四世五公之報固其善積有餘而十
行三錫之褒應知德與並懋企承莫罄裁謝空
殷

答汪靜峯總制

竊惟夷狄之問寇公與夫兒童之誦君實身之
出處國藉安危乃今起自東山固夙推於雅望
圖茲北口冀益振於先聲蓋中國之堅敵在匈
奴蠢爾金元餘孽而元老之壯猷屬方叔卓哉
京國藩屏秦階六符下照星沙之地元戎十乘
大開遼薊之雲早已墮點虜於目中鐵嶺金州
烟月肅龍淵之劍行看運奇兵於掌上喜峯渤
海霜雨淨天山之弓今日犀節熊旂允作金城
之重轉眼玄袞赤舄卽還玉鉉之司某翹望履
聲夙覘巖采喜遐衡之坐折謀在安邊忝儲計
之與聞識難借箸敢謂同舟以共濟直患推輓
而難前承教匪遙媿鳧趨之未遂向風竊抃諧

燕賀以何由尚乞淋水之餘波分作天淵之涵
育辭訥難盡意嚮深勤

答陶元暉憲副

灑澤沙門照日金章蕃四國開祥召石凝霜玉
節映三春每切延瞻况承覲炙某官孕東南之
秀上開寰宇之畫籌泰山龜蒙並高冰壺秋月
同爽道已興魯看黃堂騰紫氣鴻鴈之哀鳴頓
回公遂叅藩喜丹詔下彤庭候襟之管鑰永賴
蕃宣屏翰常時猶易值此方熾之夷氛不數申

伯壯猷疏淪決排利涉固難况當久塞之運道
豈下禹功平治行見檣帆布滿芙蓉山澤改觀
兵粟兼資細柳風雲在望某淄澠莫辨誰謂無
言成蹊邂逅相逢竊幸求聲出谷使蟠木爲容
於左右因曝芹獲獻於至尊乃文朽木以青黃
旣雕鏤之恐後傳鳴鳩以羽翼更照耀之頻加
儀與情以俱深感在心而難罄伏希崇照曷勝

馳神

答梅起莘學博

學道愛人嘗佩聖門之教以經飾吏幸親師匠
之謨下問燁然高情厚甚某官今之巨擘古之
譽髦信文章之無據真將軍而不侯豈遭遇之
有時徒校尉而得雋乃移蓬萊之闊步先向芹
藻而廻翔惟今紫陽之鄉卽古洙泗之地率是
山川之秀有來學校之英周濂溪衣鉢尚存張
南浦風猷如在小子皆有造矣先生自此升乎
將見細旃亦讀康侯之傳豈惟逢掖共尊明復
之書某桑梓晚生竹蒲素習一分餘潤仰祈魯

答王太蒙總河

泮之恩波千里微踪尚邇鄭鄉之仁庇有來華
問良慰素心遐想金相莫舒瓊報
鳳德揚休麗矣亘天星日鴻猷顯被沛乎灌地
江河原孔邇於瞻依總不殊乎覆載豈應及此
儼然睨之某官學者斗山蒼生霖雨恥每切於
納溝智在行其無事三尺激揚清濁萬間蓋庇
黔黎帝謂作朕舟楫鹽梅原藉傳說僉曰惟公
旬宣疏瀹實符大禹佇錫玄圭筮班紫閣某以

朽質叨庇輪才近聖人之居竊有幸矣得天下之士何敢望焉方在出闈忽承寵賚敬稽首以登用用齋志而申虔感謝方殷抒情未罄

謝李玄白中丞

天近蓬山探策輝騰玉簡風高夾谷披圖耀盟朱旗內地績著於承流外臺特申乎簡命况境上方深宵旰而拊循適慰雲虹仰藉方殷俯引何幸某官毓湘江之神秀間氣以生鍾雲夢之奇靈名世而出方其天池邁迹玉版持籌蚤看

軍國之司露一班於心計復秉疏草之任臻三昧於文章若夫藩臬之愛威及於畿輔之保障推賢群策嘉績一人是以秩晉中丞節制東土蓋屹天之柱一十八盤而上誰是岱雨弘宣無俟崇朝梁父之山七十二君轉封孰見海波深淨有如近日况值東方再困災旱災蝗災夏秋聞者欲淚何以活一方之命深惟北闕聽高請蠲請賑請停徵語出關心大可與五位之嗟活國以活民生鴻鴈幸集於中澤回天以回地脉

萑苻永絕於疆隅卽此知全活痼瘵黎庶之心
而見整頓乾坤之手其自天而申錫將以公而
袞歸某質本瓠空才同鼯技誦法有自時厯登
龍之恩風旨非遙妄切同舟之慮領郵傳之大
教雨露先霑拜遽使之百朋雲霞兼粲緬想台
階而顏汗遙瞻憲府以神馳伏願峴比龜蒙遺
石雲開羊祜魁連台斗履鼎星高謝安更祈加
膝以甄收俾得齋心而祇受敬因衡翬佈此隴
私

啓鮑明府

某官半豹摘文全牛運治錦製雙溪之月琴清
疊嶂之烟鞭笞欲弛而令行冰心不寒而自冽
共瞻鳧入豈意蠅營然道貴於知希器深於盤
錯况浮雲世事蕉鹿功名宜乎達人之胸襟直
付楮墨之揮灑矣在今射影之域已滅而遺棠
之思更深當軸者顧於此日靳超資之擢將傍
觀者不爲明時增積薪之歎哉某雌伏宇下久
藉甄陶茲雖漑漑而行敢忘勤勤之誨邇知文

旌在望又值選事正煩無能縮地只有瞻雲報
李未能曝芹有待

回邢仔予賀啓

瑞日起函山接文明於鳳穴榮光浮玉簡搖慶
靄於龍門忻抃旣深積懷感結愈增雅念某官
繼先演慶啓後誕祥飛倚馬之雄文直高岱宗
而上飽靈魚於秘笈宏開鄒魯之間循良錦製
於花封叅計香含於粉省星輝紫塞風靜潯江
在邊而重在朝佇看相求於一德是父復有是

子遙知輝映於三台觀春秋之林潛心久矣賢
文章之錄爲首褒然聳矣林聲振於衆望才過
其千日後八十人秀出之英原出人間健筆而
星以第一爲魁九萬里高乘之運居然斗北修
名緯有父風看翩翩高騫還從弱冠繩其祖武
且呦呦鼓聽復自巍科足愜公言何勤私謝媿
某才甘樸椒識媿淄澠小天下於泰山雖身在
大觀之域驚河伯以海若實神切望洋之思乃
問寶崑岡忽遇波斯之朗玉而顧羣冀野偶逢

立市之駟蹄敢冒天工妄爲已力矧一附察案
已竊臭味於芝蘭而兩屬通家乃奉恩輝於鳳
翥求珠而徑寸先得可謂不孤所逢鼓織而七
襄不成猶然無以爲報敢抒心旌以言謝尚鬱
情籟而未宣

答方稀詎同年

切惟律應青規餘氛盡消乎黍谷和開冲氣新
輝重賁於瑤函式對緹葭欣承唾玉憑題梅之
錦字看紋線以同牽佐傳果於辛盤徒頌椒而

慙拙願老年丈煖入丈三之景密室夢轉熊羆
聲排尺五之天璿字光分鴻鴈前聞幾日靜攝
頗繫乘旌隨看百福迓迎正當吉宿自此調斗
杓於天寵啓元運於泰來藉潤恩波快私曝日
謹呵筆而作啓恍當筵而效歌把笑何時延頸
空切

答杜太尊

九華高岱色將舊父並重隣封兩水出新波看
神君揚輝樂土總不殊乎覆載益孔邇於瞻依

况儼然辱之豈望應及此某官風規高潔宇量
崇深靈源山中芝程造字臺前秘授國儲持籌
久矣循良易地皆然聖天子方軫念股肱豈爲
擇地之謀故舉彼以與此臺使者思悅安社稷
亟隆旌異之典俾治劇而剽煩借寇君於帝前
藉重一語爭杜公於境上實在兩州翻從齊蹠
城中細轉春風於有脚會見謝公樓上橫看新
月之揚休熙熙乎簞食以迎到日歡趨已如是
欣欣然喜色相告朞月而可固然乎所謂五鳳
瑞成佇看三公特召者也某材甘瓠落門藉棠
陰望吳會於雲間恨無飛羽竊桑梓之光飾恒
切馳心何期玉札施來不減水晶燈影更是珍
儀賁及恍如照日珠光莫罄涓埃徒申銘佩肅
言申謝厚冀丙融

答吳本如中丞惠川扇

斗樞雲近融精蚤播鑪錘玉帳風行清潤遠分
掌握每勞翹首益切銜私某官亭亭桑梓之楷
模曜曜朝堂之柱石金薤琳琅之貴作爲文鋒

油幢牙燾之華雅推膚奏三巴二水齊魯風洽
文翁九華五明襦袴歌興廉范蓋前規之盡掩
宜寵眷之疊承頃爰新筵上呈不靳餘波旁及
光芒分赤野早飛雪楮之涼晴色暎金篋頓借
霜筠之麗歡承便面披千里以吹噓終借仁風
掃四方之炎暑祇有感佩未易酬稱

劉南奎三尊

某官清門碩譽奕世科名豹霧藏石鏡山前共
看徽猷駭厲斗氣指劒池石畔爭誇風采鴻明
試展驥於題輿欲化鷗於解佩惟屏星之借重
使向水之安流已知煖黎庶於行春惠政覃敷
暮月行看沛農司之賢德聲華遠暎宸楓某本
庸流幸依部宇不勝雀躍於卯翼乃勤燕賀於
厦成曷勝神馳統惟台鑒

柴延禧同年

花城春滿萬家和氣應天符葭琯陽回九地餘
陰熙吏治展勤仰羨况重謙慈某官瑩林秀衍
毫端若耶光搖襟宇試之巨邑之盤錯應知屈

虞詡於朝歌賴爲近畿之保障豈啻得尹鐸爲
晉陽鞭笞盡馳而令行鉤距不施而情得通都
過客必談佳政深山野人亦詫長官歡聞百姓
之愛公惟恐一朝之去我是以籍甚臺議因而
留惠黎氓聖天子欲安雨外之耕於海邊賢父
母故遲日邊之覲於仙闕徒使情殷兄弟遂爾
望隔河山乃藻翰勤渠且縟儀珍重意恍深於
面命煖欲復於冰天寓謝便鴻函歸使驛珍投
莫罄風慙徒殷

候趙吉亭冢宰

梅調鼎實首六相以開符鑑藉玉壺引衆星而
拱極媿從收列望切酬知某官寶瑟希聲黃鍾
元氣地據蓬瀛勝濯海影以開襟天生社稷臣
儼靈光而練節曩司喉舌久僉合乎師言再握
準繩益專勤於皇鑒衡曲直如尺洞貞邪如鏡
凝定不移如喬嶽太山分別各宜如春雨秋霜
矧蠢夷敢肆噬嚙正羣材急需題品膚功誰膺
受祉仗廟算之無遺蚤簡元戎夢卜久協人情

看中國之增重先相司馬某糠揚有素薪徒謬
叨念飛騶挽粟之艱難驥心空老想唾珠屑玉
之噓植夸杖空殷望夫子之墻遙冀重瞻數仞
竭生人之戴敢忘結佩在三就日有緣因風爲
報

候方閣師

朝廷日有萬幾盡倚決於襄斷臣子功高一柱
乃寵膺於特知而况並受王明久矣允歸師匠
某官德孚亭毒化溥陶甄調傳說之羹若梅原
有專賚補仲山之袞如綸實藉兼司自古爲庶
於今再見特以四郊之壘恥正集而九重之天
聽益高以攘以安思定徙薪於厝火能無纓冠
望救多凶多懼欲防風雨於室家豈徒手足拮
据無何獨任方隆爰立竟杳矢一心以對天地
此中自有知者聽衆竅之自息自鳴分隻身以
當伊周何節不可礪乎惟虛中之善平善下蓋
至德本自堅白磨不磷而涅不淄何人言之足
狗後彫乃見柏松進固難而退不易在相道有

專屬且直揭日天之照慮始憂終况正當剝復
之間危明保盛固乾坤所賴以旋轉亦心膂所
自爲蓋輸者也某謬辱甄陶翻慙樸邀後汰自
甘沙磔先驅空策駑駘生人之德惟三盡是栽
培滋蔭門生之天有二敢忘破格弘恩聊布區
區可勝耿耿

公賀遼東經畧

南仲出車獵狝事維其棘晉公籌俎淮蔡斷乃
有成十乘元戎之行原張薄伐三錫丈人之命

克重師貞惟肝食日厯宸衷乃台臺永符廷議
慶延社稷光賁河山蓋蠢爾奴酋敢肆獍噬遂
致遼左橫被鴟張百萬金錢一擲輕三岔戰骨
全河積開原又崇朝失守內地若閭寂無人堂
奧之憂始深君父絲綸之命遂重戎樞曰予禦
侮之臣釋此東顧畀臺總師之任乃正中權念
波澄三七澤湘到處直指轡移全噓萬家之雨
而曾吞八九雲夢昔日韓城巡歷遙飛六月之
霜五侯九伯專征喜氣頓回朔漠八政十連節

制威聲業振穹廬從此東方之羽檄漸寧而北
道之金湯自固將華夷共沾燕喜豈交知幸庇
厦私遙贊遵鴻謹陳抃雀

賀南二太陞山西憲長

憲臬宏開紫塞風雲歸玉節簡書新蒞彤庭日
月暎金輝瑞彩迎眸歡歌傳耳某官生應太乙
之祥祉毓少華之秀朝中謂鴈門句注隘四塞
之襟喉明公以武緯文經作五原之保障酌清
泉於寶蓋壺冰氣凜波臣灑膏雨於坻京宇陰

光搖卉服廟堂亟嘉其治行之異軍民猶恐其
徵拜以歸方擬叩闕下而借恂適值卽軍中而
命范天方授晉猶然全部旬宣國寔有人儼矣
新儀觀察某正欣庇厦修報遷鸞雖曰有阻班
荆尚爾借輝鳴玉旣占星而抃手用酌漆以旌
心

馬愚齋陞陝西憲副

風雄紫塞方藉屏藩日捧彤庭又深耦慶惟之
綱之紀之節制柔乾灑水澄來萬頃恩波故乃

武乃文之威靈太乙終南移作千峯瑞氣報是
遷木看芝檢書傳實戶誦而家謳喜切彈冠想
波流潤漑若天從於人願用嚮風而加額敢負
暄以舒丹

謝南二太憲長

台車方切臥攀願留福照錦字又承寵幸倍仰
光華將佩德以曷諼益矢心之有自某官澄襟
寒月拂袖惠風雲代有靈山焉再移句注弘猷
金湯增重唐堯其遺風矣重衍汾河全潤裘帶

生春新履卽是舊遊隼軾兒童猶識認關飭總
歸全部熊旟父老倍歡呼共欣君子之得輿不
覺小人之躍屐何從樽俎餘暇頻隆鼎翰宏施
某式金式玉在前方期蘭合亦步亦趨漸後徒
切鶩求賡木李之章以何日也矢隰桑之咏惟
中藏之敷謝寸衷因風三肅

候禮垣晏懷泉

錦繡班聯久矣風銷羣枉袞常職補永言日照
孤忠敢申夙誼用布私忱某官節凜松筠器隆

鐘鼎昌黎之薰醲涵浸敬輿之懇切剗深綽有
前輩風流殆非近世人物况值朝廷多事兼之
強敵跳梁察嫠婦之私憂可使內寧而外戢回
倉公於驚走直俾乾清而坤夷蓋東南半壁之
天慶此龍飛重地特藉昌言而牛斗雙星之甸
展也鳳鳴衆望雅係繩糾歲九遷而允宜特留
作中流之柱日三錫而非過知終爲百辟之刑
某以朽材久歸宇庇頃入仕藉天際之想每深
朗月輕風今寄邊關披霧之願莫稱黃沙絕漠
愛永隰桑而未罄情將澗藻以聊申可任征營
伏惟崇鑑

賀邑侯賴玄水

斗氣高懸羣玉峯前光日月星纏分照雙溪影
裏度烟雲蒿萊共切扳依葑菲猶深仰藉某官
金莖明爽玉質端凝毓靈秀於匡彭對禮樂於
丹陛牛刀初試皖口琴吟徹滿野甘棠鳳足載
集宛陵錦爛快隨車化雨看遙牽鴻被行行鵲
擁霓旌莫伸寇借板轅喜再聽鶯遷望望鳧飛

仙鳥不啻郭迎騎竹蓋桑落洲之化日舒遲久
矣况去古敬亭均爲江左之天宣州路之疲衝
剗剗急焉非藉慈父母誰廓福星之路盡說來
車何暮德澤總遍南畿僉傾化瑟更張芳譽益
高北闕某喜聯看杏欣托親蘭舊雅益隆新庥
更藉望故園雖隔兩地汪汪流派非遙處極塞
若邇一天湛湛恩膏欲馥函封特致聊達瞻戀
於寸衷芹貢薄將箚申慇勤於尺帛寅誠未罄
丙鑒是祈

趙蓋菴撫臺請告

人臣功在封疆安危實所共佩君子身膺道德
出處但有隨時幸矣下風遙焉望斗某官清規
水月妙畧風雲智府獨暎瑤林冰輪皎皎霜稜
遠清繁霧玉鉞森森誰識憂危之心詞陳正色
何妨枕漱之韻退勇急流蓋道在一龍一蛇乃
真作用而遇或爲鵬爲鷁隨在逍遙况乎柔而
不茹剛亦不吐一望胡天斷鷗影居則見愛去
則見思中宵夜月泣羊碑雖聊寄尊鱸於故園

實羣望鱗魴於繡袞媿某占星色動幾欲托粉
範而借寒枝控地自憐終難起榆枋而望高翼
敢借蕪牘聊布芹棕握教何期相思不盡

答蔣德符計部

聽出谷之鷺遙傳目下遺浮湘之鯉忽墮雲中
浥露忻承聚星想結某官虹涵暖玉風謾寒松
借籌俎可折衝夏屋山前高氣色拊循士皆挾
纊滹沱河外衍恩波謂宜仗節鉞以臨邊乃暫
借新銜而補內豈廟堂煩宣索之奏正在得人
而度支關利害之秋寔資計相寧直覆錦卽看
壯猷媿倚玉以何堪承斷金之良篤明月貽來
錦字倍想光華清飈正滿台車願留福照何時
握手不盡縷心

賀王蓬岳守道

望峻中朝會風雲於上谷寄隆分晉壯鎖鑰於
北門銜知實深騰歡爲最某官凌霄正幹喧日
高名以冰壺秋月之曾襟分園府泉刀之謀畫
方攬轡於湘漢盡新壁壘之光遂移節於唐封

一變金麾之影當口北之要害作開平之聲援
看九霄日月高擎諸陵盡歸節護將三輔背肩
永賴萬甲原屬曾蟠豈獨之紀之綱宣鎮澄海
之波坐銷襟帶固知允文允武雲中霜露之披
盡藉威名屹爾長城聿來台鼎某昔也玷迹同
署媿步趨之未工今者籍在比隣覺芝眉之不
遠事祈共濟敢自外於甄陶誼切和衷更企承
乎規瑱聊歌采菽冀念隰桑

賀吳督撫

仰惟地著星鬬天垂虹玉九鼎爲宗社坐鎮七
兵作鎖鑰重關遂折二酋之心肇修七年之貢
是役也載旅幣而稽顙饜酒食以颺言戲馬臺
前綫來紫駟赤汗飛狐嶺外吹翻玉管金箏蓋
不須發難檄文草木並旄倪而有喜誰敢矯稱
漢大山川環裘帶以相依此固黃石丹書帝者
之賓謀原素定而細瓊大斗上台之席望著先
聲矣某屬目麟符依身龍府材旣乏於通阜誰
噓雲朔之烟筆又短於扞揚難勒燕然之銘雖

勉效蜚輓而瓶罍徒嗟亦強和鏡歌而斧藻莫
既合人情於夢卜瞻信宿於袞衣不盡傾誠無
涯距踊

吳督撫新推南司徒

某官決策帷壇折衝樽俎塵靜於雲中上谷風
雄於三輔九陵是以籍重地均於馬上申天聽
東南半壁借以撐持文武百僚賴其表率中國
相司馬元歸北幕之來威宰相領度支佇看大
微之推轂此時輕裘緩帶正要星照方寄憇茆
於棠甘行看赤舄繡裳以我公歸將歌信宿於
鴻渚壯河山百二表裏尚想厦依鞏社稷萬年
基圖倍深台仰懷知祗結於赤肺祝頌莫罄其
丹忱

端午請文受袞撫臺

風薰塞上日朗天中誰是生成錫茲寧謚皆明
公算勝於廟轉晴夏之乾坤故雲中威布於恩
作清涼之國土繫虜只須綵縷看白登臺上來
貢來王恍矣搖金角黍辟兵不用靈符將青陂

道中洗戈洗甲澄然泛碧菖卮某甫飫唾珠欣
承加膝固已感深於神邁而忭切於風期用是
蒲竿將忱願奉折衝於俎柳營藉色敢云借箸
爲籌三薰致辭九頓而請

賀徐檀燕榮滿

籌樓借箸百年猷莫壯雲中冊府疏恩九鼎望
隆輝日下籍甚璀璨文機兼才原歸儒者偉矣
森羅武庫顯績遂紀太常正二酋效貢之時值
三載報成之會天子將特達示眷袞衣繡裳之
賜釐瓚用申儒紳且抃舞稱榮彤弓湛露之賡
樽疊齊獻而况知暱急切懼承祗陳三薰惟期
一諾

請王總戎款市回

憶朔樓之同會不減天上銜盃喜絳節之旋歸
正是河邊暎玉鈴閣英風生細柳一似陰山雪
盡踏來貢馬金羈轅門清露帶長楊居然瀚海
波搖暎出虜王珍獻六七年未結之局竟歸緩
帶輕裘數千里欲淨之塵全屬樅金吹管此固

聖天子之福澤千羽格苗實賴大將軍之壯
猷冰壺坐纓冕者也某是以願分樂愷之歡用
示俎樽之勝眷茲臭味俯冀盼臨

請何觀敬

斗氣滿三雲仁廕蚤瞻華蓋丹文移壘嶂德音
忽暎蘭函銜惠獨深輸情倍切某官黃鍾元氣
寶瑟希聲濯桑乾以澄瀾甲第羨無前玉立亘
太行而凜節宦蹟垂到處金章自露冕褰帷以
來殊勲式高屏翰凡中土三秦所倚雅望蚤具

台司追惟蕞爾涇川布象回春弦調至今和宓
子迨及斗大宛郡行旌贊化花陰咫尺滿潘家
旣扇薰風以字人爰借玉衡而程士一時璠璣
兼采人歸席上之珍四方杞梓兼收時及溝中
之斷故家仲豹窺之見邀京國鸚荐之書在弟
敬欣遇孫陽頓令增千金重價在不佞慙非許
武不能就一弟微名何期拭霧遠遊得遂傾風
夙晤念及鴈序實關今昔之情幸依驥塵更慰
步趨之願榮已深於一顧况壺漿先之秀色如

映蓬萊光更賁於八行媿琅玕莫報清談擬分
玉屑尚鑿馨於君子三薰而奉聽日期敢荐信
於神明百頓以皈依几席喜占報鵲凝盼和鸞
中秋請文受寰中丞

少昊騰金氣波瀾直淨桑乾文芒動將星光彩
坐增畿輔蓋惟三千銀界皎皎靈襟澄匹練無
人不坐米壺以茲十二瑤京灼灼玄珠動七襄
舉世盡遊瓊宇矧一身繫安危者歷年夷虜服
其綏靖寧自今也乃二酋愆貢市者七載封疆
賴以輯寧正其時焉氣抱龍城綫來紫駟赤汗
戲馬臺前輝寶潞雲橫虎陣吹翻玉箏金管飛
狐嶺外湛琉璃俎勝寧止投醪茅貢正以縮酒
惟是吸清虛而餐沆瀣素歸文韻冲情不啻觀
濤庶幾豁塵滓而奉霓裳乃在蟾光兔色漫言
倚玉幸垂清於滌潔式流照於臨樽

壽岳伯解嵩盤

惟此雲封氣旺西金正當嶽降祥開北斗且授
衣溫深於挾纊而籌邊化洽於舞干看四郊之

雨膏甘同莖露當諸夷之珍獻歡洽蟠桃某是
以佩德於刀圭結棕於兕酌固願長年之永庇
乃托善禱而陳懷

謝龍抑所賀生日

逐隊駑筋於役方慙過隙散才樗社幾剪徒媿
支離渺滄海一粟之浮生驚喬嶽五符之雅眷
乃振音於鸞吹雕飭秋蒲若分算於鶴齡挾升
雞犬頓使小年蟪蛄題而置之冥靈直將微潤
蝸涎噓而轉之煖谷敢不勉收末照期以仰答
良朋報之七襄感深九轉

重陽請文中丞

睠惟三秋正滿適元老羽干受社之期况兼九
日重逢乃至人文酒賞心之會黃花應青山而
貢色居然蕩盡烟氛玄霜共碧水以浮陰永矣
扇開爽氣快回風之舞帶裘光暎天邊豈羨到
門白衣頌湛露之觴樽俎橫臨塞外絕勝臨風
阜帽此時此景他席他鄉聊藉高懷亦日落英
可把借輝光霽敢云醇醴相將

錢文制臺

台臺鴻名興而作雨屏幹重以連天清明在躬
列星辰於夕照保釐惠物借山海而冬輝詩書
謀帥兼才舊是鴨綠江前借鎖平仲袞舄臨戎
協吉新看馬蘭關外韃屬希文在三雲攀仰旌
頭音傳空谷乃九陵崢嶸節下人切頌麻某也
未有積譽於公卿半生鳩拙猶幸奉教於君子
一旦嚶鳴瞻有斐之文章每接從天喜色藉無
邊之劈畫具看匝地濃陰足蹇頓而欲前共憶
鉢衣函丈意豐茸其若吐還餘竿牘篚筐賀天
下之得人蟻尊布席銜吾私而志別鵠候停車
顒望鳴璘宣期賁玉

謝李任德同年

葵忠久赤原欽直北之光輝鎖闥新開又著南
都之風采辱叨英盼倍切懽悰某官情岳干霄
神淵暎壁瀑水攜來繞案家家春雨行脚粳稻
生香恒雲散入當簾夜夜錦爛花縫飛鳧照影
晉代之循聲第一脫穎久出囊中鎬豐之標映

無雙傍日已飛天上况邊事孔棘正需論列於
朝端而公望攸歸遂重提衡於畿輔戎車飭吉
甫補袞內有仲山兕豎蕩西平訂謨中煩陸贄
早是班聯侍從且知器重公台某舊籍幸承新
輝又竊望玄旌之旋指對面窅然聽青蒲之傳
宣心愉久矣拜儀汗浹捧札榮生附謝鯉書有
懷雀賀

文受寰總督薊遼

日月揭元功正在簡書初蒞星辰列上席遙當

畫戟宏開况是懷知可勝光溢某神鋒脫穎德
量涵空國器擅譽於文機源澄智府世珍更兼
乎武庫令肅霜風惟茲朔雲虎旅千屯早伸威
於車攻之外且看卜素旃裘兩地共稽顙於棧
豆之中藉甚芳猷天方授晉居然鼎寶公復總
師封千里曰王畿將玉佩絳縹氣色初開雄鎮
羅萬兵於范腹看青幕黃鉞威靈遙震諸邊蓋
奴酋敢爲豕奔誰留賊以遺君父適遼左未齊
鼓釁急宅揆而統爪牙從此睿斷乃堅北夷款

而東夷之膽已落固其先聲之所振佇見綢繆
旣預薊鎮安而雲鎮之藩永維又其去後之所
留豈但鴨綠馬蘭波恬烽淨且見玉京神鼎烟
煖雲清某仰藉唾餘幸依封部喜珠玉之近暎
瓦礫久矣不遺切隣照之交垂斗才亦復相望
用賀悒悒之庇聊陳絲縷之儀伏願爲帝者師
登上公位問起居於外狄叶夢卜於人情曷罄
颺言無涯踴躍

復萬宇調學師

仰惟台臺標慧山之間氣作石室之分符甘澍
早遍萬家鏡仰全歸兩地堂惟酌水分來粳稻
香清几有鳴琴吹入春風雅調緬想竽笙絲竹
昔年登魯壁之元聲坐見鳧舄雲陰今日下麓
臺之古色媿某附在鑪造引以譽髦敢曰豫章
生七年而成材實望夫子墻數仞而欲入憶光
儀於敬亭疊嶂久矣旌懸仰紫氣於泌水汾河
恍如面對正深巖注乃辱瑤頌報國士以何年
感陽春之有脚用期三事未盡片言

龔滄嶼吏部

天衡入握敘甄夙重題材人鑑高懸樞綰特襄
啓事世道占其清淑心知倍益懽悰某官曾湛
冰壺識澄水鏡身備太和四氣榮落叶其溫涼
量包雲夢三湘清濁不煩澄撓惟周官特總六
敘推轂不輕在漢制獨表諸司品題新籍蓋當
羽檄旁午陰翳叢生正宜申儆官邪茂明國是
榱桷構櫺之甄別要惟守勤勁草斯能預度所
宜涇渭淄澠之鑒觀是在操勵濯纓方可分流
不爽持公論以拔雋何事插棘編籬却例簿而
荐賢無用貫魚行鴈故新命恩銜丹鳳而黼星
光動紫薇豈特裴馬並蹤直看夔龍接武某桑
蓬賤品芻粟備員欣鳳采之久瞻餘輝依憑斗
北慙駑筋之勉逐曲庇分借雲西觀君子得輿
附驥占星無涯汴手聽小人作誦彈冠結綬曷
罄颺言敢修慶於典籤祈鑒悰於結素

臬長龍綸滙考績

武奮帷籌紫氣映星辰之席恩疏縹冊黃綸揭

日月之常蓋惟玉版靈文吸古莊馬名重奎圖
壁府故柳營鴈塞藉靈范韓績高井鉞參旗當
三載報成之時正萬里氛消之會雖徹桑綱戶
仍篤勞謙而敷奏告功特嘉上考佇看四世五
公之報德積有餘願覩十行三錫之褒慶隆發
軻某喜聞伯氏之吹壘更幸舟中之維楫有懷
勒楮聊當磨崖

迎崔制臺

望殷繡袞舊庸特重乎樞機猷壯幄帷新寵遙

開於劔履萬邦作憲諸路改觀某官名如日月
之熒實若鼎鈞之重清論早歸簡上喉舌永司
元功已在朝端瓜牙是統金莖玉露之噓吸七
兵凜心地霜華玉版靈文之醞涵九塞湛摩空
法鏡惟安攘無所不効斯內外何徃非宜眷茲
三輔九陵誰爲肩背實惟雲中上谷永藉帶襟
况七年款結方新而二酋要素未已自非曾蟠
萬甲綱戶不弛於徹桑安能箠使諸夷嚴鎖卽
威於落膽天心所授將竹帛以流光帝命攸歸

卷三十一
四十五
仗節鉞而出鎮星之所指便爲福虎豹伏盡諸
關雨將隨澍以皆甘鯢鯨全消長浪從此白登
奇績總歸黃石上勲佇看帝師永襄上治某材
則樞櫟任負輓芻沾公旦一沐之榮幸有金篋
引導廣吉甫四國之誦不啻騎竹歡趨急借具
瞻於露冕可勝忭舞於風旌

素雯齋卷之三十二終

